

**PRAYER**

- Ipanalangin ang mga pangangailangan ng bawat isa.



**Honor God. Make Disciples.**

Pinahihintulutan ang pagkopya ng lathang ito na galing sa Victory® para sa kagamitan ng lokal ng simbahan.  
 Karapatang Pag-aari © 2011 ng Every Nation Leadership Institute  
 Inilathala ng EVERY NATION PRODUCTIONS  
 P.O. Box 12229 Ortigas Center, Pasig City, Philippines



NOTES

**CONNECT**

- Ano ang paborito mong pelikula? Anong eksena ang pinakagusto mo dito at bakit?
- Ano ang isang bagay tungkol sa iyo ang gusto mo sanang alam din ng iba?
- Ano ang pinakamahal na regalo ang naibigay mo para sa isang minamahal?

## WORD

### WHAT

What does the Bible say?

<sup>27</sup>Kaya nilikha ng Diyos ang tao na lalaki at babae ayon sa wangis niya. <sup>28</sup>At binasbasan niya sila. Sinabi niya, “Magpakarami kayo para mangalat ang mga lahi ninyo at mamahala sa buong mundo. At pamahalaan ninyo ang lahat ng hayop.”

Genesis 1:27,28

Gusto nating maayos ang ugnayan natin sa pamilya at mga kaibigan, lalo na sa taong inilaan ng Diyos para sa atin. Upang mangyari ito, kailangan natin ng kakayahang magbigay at tumanggap ng pagmamahal ng tama. Papaano natin ito maisasabuhay? Tingnan natin ang kauna-unahang kwento ng pag-ibig bago pa man pumasok ang kasalanan sa eksena at ang ilang mga aral na mapupulot natin dito.

- **Maging panatag ka sa iyong pagiging walang katulad.**

*Kaya nilikha ng Diyos ang tao . . . ayon sa wangis niya.*

Genesis 1:27

*Kahanga-hanga ang pagkagawa n’yo sa akin, kaya kayo ay aking pinupuri. Alam kong ang inyong mga gawa ay tunay na kahanga-hanga.*

Salmo 139:14

Sa lahat ng nilikha ng Diyos, tayo lang ang nilalang na ayon sa wangis Niya. Nilikha Niya tayo na magkakaiba—sa ating DNA, marka sa mga daliri, at iba pa. Kaya nga ang bawat isa sa atin ay natatangi. Dapat tayong maging panatag sa ating pagkakaiba upang tumanggap tayo at magbigay ng pagmamahal ng tama. Tanggap mo ba ang iyong pagiging walang katulad sa Diyos? Tanggap mo ba ang pagkakaiba ng iyong kapwa?

- **Magkaroon ng kumpanya sa iyong halaga.**

*Ngunit mas mahalaga ang tao kaysa sa tupa! . . .*

Mateo 12:12

Kung ano ang tingin mo sa sarili, gayun din ang pagtingin ng iba sa iyo. Kailangan nating intindihin at tanggapin ang tunay nating halaga—na tayo ay nilikha ayon sa wangis ng Diyos. Hindi lang yun, mismong ng Diyos ang nagbigay halaga sa atin sa pagbigay Niya sa Kanyang bugtong na Anak upang bayaran ang ating mga kasalanan sa krus (Roma 5:8; 1 Juan 4:10). Ano ang tingin mo sa iyong sarili? Papaano mo pinahahalagahan ang ibang tao?

- **Tanggapin ang iyong seksuwalidad.**

*Kaya nilikha ng Diyos ang tao na lalaki at babae . . .*

Genesis 1:27

*“Ngunit sa simula pa, nang likhain ng Diyos ang mundo, ‘ginawa niya ang tao na lalaki at babae.’”*

Marcos 10:6

Tiniyak ng Diyos na likhain tayo bilang lalaki o babae at wala ng iba pa. Upang maging maayos ang kanilang ugnayan, kinailangan nina Adan at Eva na tanggapin ang kanya-kanya kasarian at katungkulan na bigay ng Diyos. Tulad nila, kailangan din nating tanggapin ang ating seksuwalidad at ang papel na bigay ng Diyos sa atin upang pagpalain Niya ang ating mga ugnayan. Bilang lalaki o babae, anu-ano ang pinapagawa sa iyo ng Diyos na kailangan mong gampanan ngayon?

### SO WHAT

What is the relevance of the Word to my life?

- May bagay bang nagpapahina ng kumpanya mo sa sarili? Ngayong alam mong ginawa kang walang katulad at natatangi ng Diyos, papaano ka napapanatag nito?
- Papaano mo nakikita ang iyong sarili ngayong alam mo nang mahalaga ka sa Diyos? Papaano ka natutulungan nito sa pagtanaw mo sa iyong kapwa?
- May humahadlang ba sa iyo upang tanggapin ng buo ang iyong seksuwalidad?

### NOW WHAT

How do I apply the Word to my life?

- Dumating si Jesus upang iugnay tayong muli sa Diyos at ibalik ang ating pagkakakilanlan sa Kanya. Papaano inayos ni Jesus ang ating ugnayan sa Ama? Ano ang iyong magagawa upang matanggap ang ginawa Niya para sa iyo? Humingi ng tulong sa iyong *group leader* tungkol dito.
- Sinu-sino ang mga kailangan mong pahalagahan pang lalo (asawa, mahal sa buhay, atbp.) ayon sa halagang binigay ng Diyos sa kanila? Papaano mo ito isasagawa sa mga susunod na araw?
- Gaano ka kapanatag sa iyong seksuwalidad? Kung may problema ka dito, sinu-sino ang pupwede mong hingan ng tulong?